

आकाशवाणीखबरां पवन वर्मा कोला

प्रधानमंत्री नरेंद्र मोदी होरें इस गल्ला पर जोर भरेआ जे इस देसै दी 50 फीसदी आबादी गी फैसले लैने दी प्रक्रिया दा हिस्सा बनाया जाना चाइदा।

महिला आरक्षण ते परिसीमन लेई संसद दी खास बैठक शुरू।

लोकसभा च संविधान (131मीं संशोधन बिल-2026) ते परिसीमन बिल 2026 पेश कीता गेआ।

प्रधानमंत्री नरेंद्र मोदी होरें दौनें मुखें बश्कार बपार ते निवेश गी बढ़ावा देने लेई नमीं दिल्ली च आस्ट्रिया चांसलर डॉ. किश्चिन स्टाकर हुंदे कन्नै प्रतिनिधिमंडल स्तर दी गल्लबात कीती।

हाउसलिस्टिंग ते हाउसिंग जनगणना आस्तै जनगणना 2027 दा पैहला चण मते सारे राज्यें ते केंद्र शासत प्रदेशें च शुरू।

आई.पी.एल क्रिकेट च Mumbai Indians दा मकाबला अज्ज संझा Punjab Kings कन्नै होगा।

<><><><><><>

LS-PM Nari Shakti

प्रधानमंत्री नरेंद्र मोदी होरें आखेआ जे देसै दी 50 फीसदी आबादी गी फैसला लैने दी प्रक्रिया दा हिस्सा बनाया जाना चाहिदा ऐ। उनें आखेआ जे नारी शक्ति मुख्य दे विकास च अहम भूमिका नभा'रदी ऐ ते नीति बनाने च उनेंगी उचित प्रतिनिधित्व देना इस घड़ी दी मंग ऐ। श्री मोदी होरें एहू गल्ल अज्ज लोकसभा च नारीशक्ति वंदन अधिनियम च संवैधानिक संशोधनें कन्नै जुड़े दे त्रोंनें मुख बिलें पर चर्चा दरान आक्खी। एहू बिल संविधान (131में संशोधन) बिल-2026 परिसीमन बिल 2026 ते केंद्री क्षेत्रें दे कनून (संशोधन) बिल 2026 ना। प्रधानमंत्री होरें आखेआ जे जेड़े लोक इस बिल दा बरोध करंगन, उनें भविष्य च एहूदे नतीजें दा सामना करना पौगा।

<><><><><><>

Extended Budget Session

संसद दा बधाया गेदा बजट इजलास अज्जै थमां शुरू होई गेआ ऐ ते एहूदे च कुल 3 बैठकां लाइयां जाडन। लोकसभा च अज्ज त्रै महत्वपूर्ण विधेयकें गी सोच-बचार लेई पेश कीता गेआ। इंदे च संविधान च (1 सौ 31मां संशोधन) बिल, 2026, हृदबंदी सरबन्धी बिल 2026 ते केन्द्र शासत प्रदेशें सरबन्धी संशोधन बिल 2026 शामिल ना। एहूदे शा पैहले प्रधानमंत्री नरेन्द्र मोदी होरें आखेआ जे भारती लोकतंत्र गी मता समृद्ध ते भागीदारी आह्ला बनाने लेई संसद ते राज्यें दिएं विधानसभाएं च महिलाएं लेई आरक्षण, मजूदा समें दी मंग ऐ। उनें आखेआ जे इस आरक्षण च चिर लगाना, बड़ा गै मंदे भागें आह्ला होगा।

<><><><><><>

Gadkari-Women Res. Bill

महिला आरक्षण बिल पर केंद्री मंत्री नितिन गडकरी होरें आखेआ ऐ जे एहू महिलाएं आस्तै इक ऐतिहासिक बिल ऐ। संसद परिसर च संवाददाताएं कन्नै गल्लबात करदे होई श्री गडकरी होरें इसी देसै दे इतिहास च इक क्रांतिकारी बिल करार दित्ता। उनें दस्सेआ जे एह्दे लागू होने दे बाद महिलाएं गी लोकतंत्र च बरोबर दे मौके हासल होडन। समाजवादी पार्टी दे नेता अखिलेश यादव होरें आखेआ जे ओहू महिलाएं लेई सीटों आरक्षित करने दे बचार दे खलाफ नेई हैन। संसद दे बाहर पत्रकारें कन्नै गल्लबात करदे होई उनें हृदबंदी सरबन्धी बिल गी पेश करने दे तरीके पर चैंता व्यक्त कीती।

<><><><><><>

Women Res Bill

भारती जनता पार्टी दे सांसद मेधा कुलकर्णी होरें आखेआ ऐ जे नमीं संसद लेई एहू इक ऐतिहासिक पल ऐ कीजे महिला आरक्षण बिल, विकसित भारत च महिलाएं दी ताकत गी जकीनी बनांदा ऐ। उनें प्रधानमंत्री नरेन्द्र मोदी हुं'दा धन्नवाद करदे होई आखेआ जे पूरा राश्ट्र ते महिलाएं बी इस बिल गी समर्थन देआ करदिआं न। बीजेपी सांसद संध्या रे होरें आखेआ ऐ जे देशै च महिलाएं दे सशक्तिकरण लेई एहू इक ऐतिहासिक ध्याड़ा ऐ। संसद भवन परिसर दे बाहर पत्रकारें कन्नै गल्ल करदे होई रे होरें आखेआ जे देशै दी महिला शक्ति गी 2029 दे चुनाएं च नुमाइंदगी दे इक बरोबर मौके हासल होडन। उनें देशै दी मातृ शक्ति दी तरफा प्रधानमंत्री नरेन्द्र मोदी हुं'दा धन्नवाद बी कीता।

<><><><><><>

LS-Bills Introduced

केंद्री कनून मंत्री अर्जुन मेघवाल होरें अज्ज लोकसभा च संविधान बिल 2026 ते परिसीमन-बिल 2026 पेश कीता। गृह मंत्री अमित शाह होरें सदन च केंद्र शासित प्रदेशें दे कनून संशोधन बिल 2026 पेश कीता। बिल पेश करदे होई कनून मंत्री अर्जुन राम मेघवाल होरें इस दिन गी ऐतिहासिक करार दिंदे होई आखेआ जे सरकार महिलाएं गी राजनीतिक न्याय देने लेई कम्म करा'रदी ऐ। उनें आखेआ जे संविधान 131मां संशोधन बिल 2026 महिलाएं लेई बराबरी गी यकीनी बनाग। कनून मंत्री होरें आखेआ जे देशै च महिलाएं लेई आरक्षित सीटें दी इक समानता ते कनूनी तौरा पर बंड लागू करना ऐ। उनें आखेआ जे एह्दे कन्नै लोकसभा दी नमीं ताकत 815 सदस्यें दी होग। उनें आखेआ जे इंदे चा 272 सीटें गी महिलाएं लेई आरक्षित रक्खेआ जाहग। बिल बारै चर्चा करदे हेई विपक्ष आसेआ शुरूआत करदे होई कांग्रेस सांसद गौरव गोगोई होरें आखेआ जे उंदी पार्टी महिलाएं दे आरक्षण दे पक्ष च ऐ पर इसी सरल बनाना चाइदा ते परिसीमन कन्नै नेई जोड़ेआ जाना चाइदा ऐ। गृह मंत्री अमित शाह होरें इस गल्लै दा सख्ती कन्नै खंडन कीता ते आखेआ जे वेणुगोपाल होर इस बिल दे पेश करने पर शड़ा तकनीकी ऐतराज गै जताई सकदे न, पर बिल दे मैरिट उप्पर बोली नेई सकदे।

<><><><><><>

PM Austrian Chancellor Talks

प्रधानमंत्री नरेन्द्र मोदी होरें अज्ज नमीं दिल्ली च ऑस्ट्रिया दे चांसलर डॉ. क्रिश्चियन स्टॉकर हुं'दे कन्नै गल्लबात कीती। बैठक दरान भारत ते ऑस्ट्रिया ने केई समझौतें ते दस्तावेजें दा आदान-प्रदान कीता। इंदे च खाद्य सुरक्षा कन्नै जुड़े दा समझौता जापन, सैहयोग ते फौजी मामलें सने आतंकवाद कन्नै

निब्बड़ने लेई सांझे कार्य समूह कन्नै जुड़े दे समझौते शामिल ना। इक सांझे संवाददाता सम्मेलन च प्रधानमंत्री मोदी होरें आखेआ जे भारत ते ऑस्ट्रिया ढांचागत विकास ते नमिएं काह्डें च भरोसेमंद भ्याल रेह ना। श्री मोदी होरें स्टॉकर हुं'दे आसेआ यूरोप थमां बाहर अपनी पैहली बदेश यात्रा लेई भारत गी चुनने पर खुशी जाह्न कीती। उं'नें आखेआ जे एह यात्रा श्री स्टॉकर हुं'दे नजरिये ते दौनें देशें बश्कार रिश्ते दी वचनबद्धता गी दर्शादी ऐ। प्रधानमंत्री मोदी होरें आखेआ जे उं'दी यात्रा कन्नै दौनें मुखें बश्कार बपार ते निवेश गी मजबूती मिलग। प्रधानमंत्री मोदी होरें आखेआ जे भारत अपनी रफ्तार ते व्यापकता दे कन्नै ऑस्ट्रिया दी म्हारथ गी मलाइयै दुनिया लेई भरोसेमंद तकनीकां जकीनी बनाई सकदा ऐ। तोआई ऑस्ट्रिया दे चांसलर डॉ. क्रिश्चियन स्टॉकर होरें भारत दी अपनी यात्रा गी दौनें मुखें दे सरबंधें लेई महत्वपूर्ण करार दित्ता।

<><><><><><>

SC-EC WB

सुप्रीम कोर्ट नै अज्ज पच्छिम बंगाल च चुनां आयोग आसेआ इक्क ज्हार शा मते प्रशासनिक ते पुलस अफसरें दे तबादले गी चनौती देने आहली याचिका गी खारिज करी दित्ता ऐ ते राज्य सरकार दे पोल पैनल बश्कार भरोसे दी कमी गी उजागर कीता ऐ। सुप्रीम कोर्ट नै इस विवादित कनूनी सवाल गी भविक्ख च फैसले लेई खुल्ला रक्खेआ ऐ ते चुनां आयोग गी चुनां आहले राज्यें च प्रशासनिक बदलावें गी असरदार बनाने थमां पैहले सरबंधत राज्यें कन्नै सलाह मश्वरा करने दी लोड़ ऐ।

<><><><><><>

HLO-Commenced

जनगणना 2027 दे पैहले चरण च हाउस लिस्टिंग ते हाउसिंग जनगणना लेई फील्ड आपरेशन अज्जै थमां मते सारे राज्यें ते केंद्र शासित प्रदेशें च शुरू होई गेआ। एह कम्म अज्जै थमां अंडमान ते निकोबार द्वीपें, गोवा, कर्नाटक, लक्ष्यद्वीप, मिजोरम, ओडिशा ते सिक्किम ते कन्नै-कन्नै एन.डी.एम.सी ते दिल्ली छावनी बोर्ड दे इलाकें च जारी ऐ। एह कार्यवाही 30 दिनें दी होग ते अगले म्हीने दी 15 तरीक तगर चलग। इस दरान प्रशिक्षित गटक डाटा कलेक्शन लेई घर-घर जाई डाटा कलेक्ट करंगन।

<><><><><><>

AP Road Accident

आंध्र प्रदेश दे कुर्नूल जिले च बडुलै इक्क शिड़क हादसे च 8 लोकें दी मौत होई गेई ते केई होर घायल होई गए न। राश्ट्रपति द्रौपदी मुर्मू, उपराश्ट्रपति सी.पी राधाकृष्णन ते प्रधानमंत्री नरेंद्र मोदी होरें इस शिड़क हादसे च जान मुहाने आहले लेई दुख प्रगट कीता ऐ।

<><><><><><>

IMF-Chief India

अंतरराश्ट्री मुद्रा कोष दी चीफ क्रिस्टालिना जिआरजिवा होरें आखेआ जे युद्ध दे चलदे गड़बड़ी दे मद्देनजर वैश्विक विकास च मंदी दे बावजूद बी भारत दी अर्थ बवस्था लचीली रौहने दी मेद ऐ। आई.एम.एफ दी बैठकें दरान इक प्रेस ब्रीफिंग च बोलदे होई उनें आखेआ जे देश दे मजबूत बुनियादी सिद्धांत इसी बेहतर प्रदर्शन करने च मदद करा'रदे ना। उनें आखेआ जे भारत दी तरक्की औसत वैश्विक

<> <> <> <> <> <>

<><><><><><>

<><><><><><>

<><><><><><>

कश्मीर घाटी च कारोबारिएं, खासतौरा पर फल-उत्पादकें ते दस्तकारी उत्पादें कन्नै जुड़े दे बपारिएं
गी राहत उपलब्ध करोआने दे मकसद कन्नै उत्तर रेलवे दे जम्मू डिविजन आसेआ कल 17 अप्रैल थमां

नमीं दिल्ली च आदर्श नगर ते कश्मीर च बडगाम बश्कार इक सांझी पार्सल प्रोडक्ट रैपिड कारगो रेल सेवा शुरू कीती जा'रदी ऐ। आकाशवाणी दे जम्मू संवाददाता दी रिपोर्ट मूजब एह सेवा आजमाइश दी बिनाह पर 31 मई धोड़ी नियमित चलाई जाह्ग ते मगरा इसी नियमित आधार पर बी जारी रक्खेआ जाई सकदा ऐ। ध्यानजोग ऐ जे रेल नंबर 00462 बडुलै सवां 6 बजे बडगाम थमां चलग ते अगले दिन बडुलै 5 बजे आदर्श नगर दिल्ली पुज्जी जाह्ग।

<><><><><><>

IPL

आईपीएल क्रिकेट च अज्ज मुम्बई इंडियन्स दा मकाबला पंजाब किंग्स कन्नै होगा। एह मैच मुम्बई दे वानखेडे स्टेडियम च खेड्देआ जाह्ग। मैच संझा साड्डे 7 बजे शुरू होगा।

<><><><><><>